

ՀԱՅԿԱԿԱՆ ՄՇԱԿՈՒԹԱՅԻՆ ԵՂԵՌՆԸ ՕՍՄԱՆՅԱՆ ԹՈՒՐԹԻԱՅԻ ՏԱՐԱԾՔՈՒՄ ՄԵՐԻ ՔԵՇԻՇՅԱՆ

Հայ ժողովուրդն իր կազմավորման արշալույսից սկսած, դարերի ու հազարամյակների ընթացքում ստեղծել ու հետագա սերունդների է թողել քաղում հոգևոր ու նյութական արժեքներ, որով պատմության մեջ մնացել է որպես ստեղծող, արարող, շինարար ժողովուրդ: Մակայն հնագույն ժամանակներից սկսած, իր պատմական ճակատագրով, միշտ էլ հանդիսացել է պատերազմների քառերաբեմ, կրելով ոչ միայն մարդկային, այլև հսկայական նյութական և հոգևոր մշակույթի կորուստներ: Այդուհանդերձ, ավերիչ պատերազմներից և օտարների ասպատակություններից հետո էլ, հայ ժողովուրդը վեր հանելով գոյատևել է ու նորից շենացրել պատմականորեն իրեն քաժին հասած օրրանը, կառուցել նոր բերդ-շեներ, քաղաքներ, գյուղեր, պաշտամունքային նշանակության և կրթական օջախներ, վանքեր ու եկեղեցիներ, նրբաքանդակ խաչքարեր, ստեղծել զարգացած ու ինքնատիպ մշակույթ:

XIX դարի վերջը և XX դարի սկիզբը հայ ժողովրդի համար դարձավ ճակատագրական: Ինչպես հայտնի է 1890-ական թթ. կատարված համիդյան արյունոտ ջարդերին հաջորդեց 1915թ., Արդուլ Համիդի ոճրագործ քաղաքականությունը որդեգրած և երիտթուրքերի կողմից կազմակերպված հայերի ցեղասպանությունը: Կոտորածներին ուղեկցում էր նաև նյութական արժեքների սխտեմատիկ ոչնչացման ոչ պակաս ահավոր քաղաքադատությունը, որն, ըստ էության, ցեղասպանության երկրորդ կողմն էր: Ակնհայտ է, որ քնաջնջելով հայ ժողովրդի խոշոր զանգվածին, նրա ստեղծած մշակութային արժեքները, թուրքերը նպատակ ունեին պատմության ասպարեզից ջնջել այն ամենը, ինչը կապված էր հայ ժողովրդի հետ:

Աննկարագրելի է 1915 թվականին հայ ժողովրդի կրած մշակութային ողջ կորուստը:

Փաստերը խառում են այն մասին, որ Արևմտյան Հայաստանի և Թուրքիայի հայաբնակ շրջանների մշակութային գեոցիոգր. Հայոց ցեղասպանության քաղկացուցիչ մասն է: Ջարդարարները, առաջնորդվելով Թալեաթի՝ Հալեպի տեղահանության գործերով կոմիտեին ուղղված հրահանգով. «... ամեն կերպ ջանալ ոչնչացնել քուն «Հայաստան» անվամբը Թուրքիայում»¹, տեղահանության ընթացքում ոչնչաց-

րել են մեր ազգային դարավոր քաղաքակրթության բազում նյութական, մշակութային արժեքներ:

Սակայն նախքան 1915թ. մշակութային կորուստներին անդրադարձը նշենք, որ մամանտիկ կորուստներ ունեցել ենք նաև 1894-96թթ. ջարդերի ժամանակ, որի արդյունքում ոչնչացվել կամ մզկիթի են վերածվել 568 եկեղեցի: Ըստ Մ. Օրմանյանի տեղեկության 1894-96թթ. ջարդերի ժամանակ «վանք չէ եղած որ անձեռնմխելի ըլլայ, եկեղեցի չէ մնացած, որ կամ քանդուած, կամ պղծուած, կամ մզկիթի փոխարկուած չըլլայ»:²

Ինչպես հայտնի է՝ պատմական Հայաստանի և Թուրքիայի հայաբնակ ամեն շրջան անհիշելի ժամանակներից ունեցել է իր վանքը, եկեղեցին, ուխտատեղին և սրբավայրը, հոգևոր-կրոնական իշխանության կենտրոնը: Վանական հաստատություններ լինելուց զատ դրանք նաև ուսումնական, գրչության և արվեստի կաճառներ էին և պատմականորեն նշանակալի դեր են ունեցել հայ ժողովրդի կրոնական, ազգային և մշակութային կյանքում:

1896թ. տեղեկագրությունից հայտնի է դառնում, որ մահմեդական խուժանն իր կատաղությունն առաջին հերթին քափում էր հայկական կրոնական և կրթական կենտրոնների, մատենադարանների վրա: Կողոպտվել և այրվել են Վասպուրականի Վարազա, Նարեկա, Կարմրավոր, ս. Գրիգոր Լուսավորիչ, Մեծփա, Անգրի ս. Աստվածածին վանքերը, նաև Աղթամարի ս. Խաչ եկեղեցու պահոցը, ուր գտնվել է եկեղեցու ողջ հարստությունը. նույն ճակատագրին են արժանացել նաև Լիմ և Կտուց անապատների պահոցները, ս. Էջմիածնի վանքը:³ Միայն Նարեկա և Վարազա վանքերից կողոպտված շարժական և անշարժ գույքի արժեքը հասել է 1000 բուրքական լիրայի, ոչնչացվել են նաև մատենադարանները: Կողոպտվել է Նարեկա վանքում տարիներ շարունակ պահվող Կենաց փայտի մասունքը և այլ մասունքներ, իսկ միջմադարյան հայ քնարերգու Գրիգոր Նարեկացու (Մ. Լ.) գերեզմանն, որ դարեր շարունակ եղել է սրբավայր և ուխտատեղի, ավերվել ու հիմնովին ոչնչացվել է:⁴

Ի քիվս այլոց ամբողջովին կողոպտվել է Դիարբեքիի ս. Աստվածածին վանքը, որ հայտնի էր իր պատմությամբ և արժեքավոր հնություններով:⁵

1896թ. Կ. Պոլսի հայոց պատրիարքն իր ծանուցագրով թուրքական քաղաքական իշխանություններին հայտնում է, որ «քանդուածներն ու վնասուածները հայոց սրբարաններն, քիտվ 400-էն աւելի» են:⁶

1894-96թթ. Բարերդի (Էրզրումի նահանգ) գյուղերում կողոպտվել և մասամբ կործանվել են 36 եկեղեցի,⁷ Երզնկայի շրջանում 12 վանք:⁸ 1896-ին կողոպտվել և այրվել է Խիզանի (Բիթլիսի նահանգ) ս. Խաչ վանքը և գրադարանը, ուր եղել է 1000-ի հասնող արժեքավոր գրքեր,⁹ իսկ Սպարկերտում (Բիթլիսի նահանգ) հիմնահատակ ավերվել են բոլոր եկեղեցիները և վանքերը, որոշ մասը վերափոխվել են մզկիթի:¹⁰

Մշակութային արժեքների ահռելի կորուստ է տեղի ունեցել Առաջին աշխարհամարտի տարիների: Ըստ Մ. Օրմանյանի, Արևմտյան Հայաստանում 1912-ին եղել են 2200 վանք ու եկեղեցի¹¹, որոնցից մեծագույն մասը ոչնչացվել են:

Գևորգ Մեսրոպը, նշելով որ հնարավոր չէ ճշգրիտ քվերով ու փաստերով հաշվառել կորուստը գրում է. «Չենք գիտեր, թե ինչ էր մեր քիւր, իսկական մեր ազգապատկան հարստութիւնը կազմող մեր վանքերուն, մեր

եկեղեցիներում, ժողովարաններում, վարժարաններում, գեղարվեստական, մատենագրական, ճարտարապետական եւ այլ թանկագին ժառանգութիւններում տեսակն ու քանակը, որակն ու արժեքը...»:¹²

Ըստ ֆրանսիական քանակի սպա Ռ. Հյուպեռի (որը Արեւմտյան Հայաստանում ուսումնասիրել է հայկական և հունական եկեղեցական, մահ մշակութային այլ կոթողներ), 1898-ին կազմած տեղեկագրի Արևմտյան Հայաստանում եղել է 218 հայկական վանք և 1740 եկեղեցի:¹³ 1904-ին Է. Պոլսում հրատարակված պաշտոնական ցուցակագրությունը վկայում է, որ Օսմանյան պետությունում եղել են 228 հայկական վանք և 1958 եկեղեցի:¹⁴ Պոլոս Նուբարի և Ավետիս Անարոնյանի կողմից 1919-ին Փարիզում ստորագրած հուշագրի համաձայն՝ Թուրքիայի տարածքում մշվում են լրիվ կամ մասամբ կործանված 83 եպիսկոպոսամիստ առաջնորդարաններ, 1860 եկեղեցի և մատուռ, 229 վանք:¹⁵ Գ. Մեսրոպի ուսումնասիրության համաձայն որը Թուրքիայի տարածքում եղել է 210 վանք, 700 վանական եկեղեցի, 1639 ծխական եկեղեցի, ընդամենը՝ 2549 եկեղեցական միություն: Ի դեպ՝ նրա ցուցակում մշված չեն եղել կաթոլիկ հայ համայնքի վանքերն ու եկեղեցիները: Հայ բողոքականներն ունեցել են 310 ժողովարան:¹⁶

Հ. Գ. Ղազարյանի հավաստմամբ, Արևմտյան Հայաստանում 1914-18թթ. թալանվել և ավերվել է 2050 հայկական եկեղեցի և 203 վանք:¹⁷

Ըստ Ա. Խ. Մաֆրաստյանի, Առաջին համաշխարհային պատերազմից առաջ (1912-1913թթ.), Կոստանդնուպոլսի Հայոց Պատրիարքարանի պաշտոնական ցուցակների ոչ լրիվ տեղեկությունների հիման վրա Օսմանյան կայսրությունում գործել են մոտավորապես 1500-ից ավել եկեղեցի և վանք:¹⁸

1974 թվականին ՅՈՒՆԵՍԿՈ-ի կողմից կատարված 913 կառույցների ուսումնասիրումը ցույց է տվել, որ 464-ը անհետացել են, 252-ը ավերվիճակում են, իսկ 197-ը կիսականգուն:¹⁹

Է. Պոլսի Հայոց պատրիարք Շնորհք Արք. Գալուստյանը 1980-ին վկայում է, որ 2000 հայկական եկեղեցիներից մնացել են 6-ը:²⁰

Վերջին տարիների ուսումնասիրության համաձայն և մոտավոր համադրումներով, Օսմանյան կայսրությունում եղել են 3500 վանքեր, եկեղեցիներ, կրոնական այլ հաստատություններ, որոնցից այսօր մնացել են 500-ը:

Ինչպես հայտնի է՝ արևմտահայոց վանքերն ու եկեղեցիները ունեցել են ավելի քան հարուստ ունեցվածք:

Այդպես, Չքուշի (Դիարբեքիի մահանգ) հայոց վանքը ունեցել է 550 կտոր արծաթե և ոսկե սպասք, Արմաշի (Իզմիթի մահանգ) Չարխափան ս. Աստվածածին վանքը՝ 350 կտոր արծեցավոր սպասք: Գ. Մեսրոպի մոտավոր հաշվումներով կրոնական հաստատություններում եղած միայն արծաթե և ոսկե սպասքի ընդհանուր քանակը եղել է 600000 կտոր:²¹

1915թ. Մեծ եղեռնի օրերին հայերի շարժում և անշարժ գույքի, կավածքների բռնագրավումը, կողոպուտը և յուրացումը կանոնավոր կատարելու համար, ինչպես հայտնի է, երիտթուրքական կառավարությունը ներքին գործոց մախարադություն է ուղարկում մի շարք ծածկագիր հեռագրեր, շրջաբերականներ, հրահանգներ, նպատակ ունենալով ցանկագրել և յուրացնել հայերին պատկանող ունեցվածքը: 1915թ. մայիսի 16-ի պաշտոնական հրամանի 34 հոդվածներից մի քանիսը վերաբերվում էին եկեղեցա-

կան հաստատություններին, նրանց պատկանող ունեցվածքին: Հոդված 2-ում նշվում էր, որ հայերին պատկանող շինությունները իրենց ապրանքներով, վարչական համաձայնագրերից արտոնություն ստացած պաշտոնյայի միջոցով պետք է փակվեին և կնքվեին: Հոդված 3-ում և 6-ում նշվում էր, որ գույքը (նաև եկեղեցական գույքը) իր արժեքներով, տերերի անուններով մատյաններում արձանագրվելու են, ապա, տարագրված հայ բնակչության տեղ հասնելուց և հաստատվելուց հետո, դրանք վերադարձվելու են տերերին:²²

Իսկ իրականում թալանվում էին հայկական հողերը կենտրոնները, ոչնչացվում էին հազարավոր արժեքավոր ձեռագրեր: Այդպես՝ թալանելով Մեքաստիայի ս. Նշան վանքը, թուրք զինվորները, չգտնելով դարավոր այս վանքի գաղտնադրանքի քանակները, կոտորում են պատին ագուցված երկաթյա դուռը և թալանում եկեղեցական թագեր, արժեքավոր ձեռագրեր, ոսկե և արծաթե իրեր, ընդամենը՝ 3000 կտոր իր և 293 ձեռագիր: Մեքաստիայի վանքերից թալանված իրերի մի մասը վաճառվում է քաղաքի շուկայում, մի մասն էլ ուղարկվում Կ. Պոլիս: Զանդվում և ավերվում է հայկական գերեզմանոցը, որի տապանաքարերը օգտագործում են սալահատակ կառուցելու համար կամ շինարարական այլ նպատակներով:²³

Կորստի է մատնվում փայտե ասեղնագործության մի անկրկնելի մոուլ՝ Մեքաստիայի ս. Նշան վանքում պահվող Մենքերիմ Արծրունի թագավորի գահը (X-XIդդ.):

Նշեցիմք արդեն՝ պատմա-ճարտարապետական հուշարձանների հետ միասին մեծ է հայկական հնագույն ձեռագրերի կորուստը, որոնց ընդհանուր քանակը, նախօրոք չցուցակագրելու պատճառով, ցավոք հայտնի չէ:

Ոչնչացվել են միակ և հազվագյուտ ձեռագրերի օրինակներ, նաև X դարում Գրիգոր Նարեկացու ձեռքով գրված «Նարեկը»: Մշո ս. Կարապետ վանքի ս. Գևորգ վկայարանի մատենադարանը հարուստ է եղել խաչագարո, անգին քարերով ընդելուզված մագաղաթներով: Վերջիններս հետ միասին կորսվել են նաև Վարազավանքում պահվող 150 մագաղաթե ձեռագիր մատյանները:²⁴

Արևմտյան Հայաստանի և, հատկապես, Վանի տարածաշրջանի ձեռագրերի և հնությունների մասին գրանցված տեղեկություններ է թողել Ն. Յա. Մառը: 1914թ. նոյեմբերին Ռուսական Կայսերական Գիտությունների Ակադեմիան ըստ Ն. Մառի զեկուցագրի՝ քննելով Վանի մահանգի հուշարձաններն ավերելու և կողոպտելու փաստերը, որոշում է կայացնում զիտական արշավախմբեր ուղարկել Վան և գրավված մյուս շրջաններ, մշակութային արժեքները փրկելու համար: Փաստ է, որ միայն հնագիտական հարցերը չէ, որ հետաքրքրել են Մառին. ռազմական իրադրության պայմաններում, նա աշխատել է թույլ չտալ պատմական հուշարձանների կորուստը, այդ խնդիրը նրա գործողման պաշտոնական նպատակներից էր:²⁵ Իրոք՝ Մառը նպատակ ուներ միջոցներ ձեռնարկել՝ պահպանելու կովկասյան ճակատի հնագիտական արժեքները: Այդ առնչությամբ նա հետագայում, մասնավորապես, գրում է. «Պատմական հուշարձանների պաշտպանության դիրքերից հանդես եկող որևիցե կազմակերպության բացակայությունը խիստ անպաշտպան վիճակում թողեց երկրամասի ձեռագրերի հավաքածուները, որոնք դարձան բոլոր ցանկացողների բաժինը, ավելի հաճախ՝ ազետ զիջատիչներինը»:²⁶ Ըստ նրա՝ ռուսական զորքերի

նահանգի ժամանակ, Ադրբայջանի Կաթողիկոսի օգնականին միջոցներ են առաջարկել՝ պահպանելու գրական հուշարձանները և մեծաստանի ձեռագրերը լաստանավ են բեռնվել, բայց ինչ-ինչ պատճառով դրանք խորտակվել են:²⁷

Լիմ մեծաստանի վանականները ձեռագրերը թուրքերի ձեռքը չընկնելու համար, թաքցնում են գետնի տակ, հույսով, որ կարճ ժամանակ անց, հարմար պահի նորից տեղ կկանգնեն դրանց: Այս ձեռագրերի ճակատագիրն անհայտ է: Ըստ Մառի՝ ականատեսները վկայում են, որ ձեռագրերի մնացորդներ են թափված եղել Վանից մինչև Բիթլիս ընկած ճանապարհին:²⁸ Մեկ այլ վկայության համաձայն մա նշում է, որ Ադրբայջանի վանքում եղել են հարյուրավոր ձեռագրեր, որոնց մի մասը փրկվել է, ուղարկվել Էջմիածին, իսկ Լիմից հասել է եկեղեցական առարկաների մի մասը և 10 ձեռագիր, մոտ 500 ձեռագիր մնացել է կղզում: Կտուց անապատի եկեղացական իրերը և ձեռագրերի մի մասը թաքցվել են, մի մասը՝ ոչ:²⁹

Ն. Մառին հասցեագրված նամակում սանիտար Ա. Յլորենսկին, որը 1915թ. ծառայության բերումով գտնվում էր Վանում, գրում է, որ Պելու գյուղի ավերված եկեղեցու ձեռագրերը և մանրանկարները հավաքելով ուղարկել է Թիֆլիսի քաղաքագլուխ Ա. Խատիսյանին՝ Էջմիածին տեղափոխելու համար: Ի դեպ՝ Ա. Յլորենսկին փրկում է նաև եկեղեցական թանկարժեք իրեր, հիմնականում խաչեր և մի Ավետարան, որոնք Բորժոմում հանձնում է կոմսուհի Վորոնցովային, իսկ վերջինս էլ՝ Մեսրոպ Եպիկտառսին:³⁰

Որոշ տվյալներով, հայերի համար այդ ողբերգական ժամանակաշրջանում, վերացվել են 20000-ից ավել ձեռագիր մատյաններ և հմատիպ գրքեր:³¹

Բազմաթիվ են ցեղասպանության և դրա հաջորդող տարիներին հայոց մշակութային արժեքներից առնչվող ողգերգական միջադեպեր: Այսպես՝ 1923 թվականին, Մալաթիայում Բայրամի առաջին օրը տոնելով, թուրքերը հանդիսավոր խարույկի բոցերին են հանձնում հայկական ձեռագրերը: 12 տարեկան մի հայ տղա փորձում է կրակից ազատել այն գրչագիր ավետարանը, որի առջև ամեն երեկո իրենք զաղտնարար ծնկաչոք աղոթում էին: Այդ տեսնելով, վայրենի ամբոխն, ավետարանի հետ միասին, տղային գցում է կրակի մեջ:³²

Այդ ծանր օրերին եղան անհատներ, ովքեր իրենց ազգային ոգու ճիչն արտահայտեցին՝ փրկելու և պահպանելու մեր դարավոր մշակութային արժեքները: Հիրավի սխրագործությունն էր «Մշո Ղառընտիր»-ի փոխադրումը: Այս նշանավոր հսկա հուշարձան-ձեռագրի ճակատագիրը բոլորին է հայտնի: Հետաքրքիր ճակատագիր ունեցավ նաև արվեստի մի այլ գլուխգործոց՝ Մշո Առաքելոց վանքի մեծարվեստ ու ասեղնագործ դուռը (1134թ.), որը մշեցիք, ինչպես հայտնի է, ուսերի վրա հասցնում են Էջմիածին, ապա Երևան:

Նոր ավերածություններից գերծ չմնաց նաև «հազար ու մեկ» եկեղեցիների քաղաքամայր Անին: 1921թ. մայիսի 25-ին Ռիզա Նուրին նամակով թելադրում է արևելյան ճակատի հրամանատար Զյազիմ Կարաբեքիրին, որ «Անի քաղաքին յուշարձաններու մնացորդներն ու հետքերը երկրագունտի երեսն պետք է ջնջուին: Դուք մեծ ծառայութիւն մը մատուցած պիտի ըլլաք Թուրքիոյ՝ այս նպատակը իրագործելու գիծով»:³³

Հայկական ճարտարապետական յուրաքանչյուր կոթող մեր պատմության հավաստի քարե «փաստաթուղթն» է, և լուրջամբ արդարության ձայնին սպասող մեր անցյալի ականատեսը: Մինչև օրս Թուրքիայում հանգիստ ոչնչացվում է այն, ինչ հայկական է: «Լավագույն» դեպքում դրանք օգտագործվում են իբրև շտեմարան, հարդանոց, ախոռ ու բնակարան, ամառանոց, գորանոց կամ մզկիթ ու «մինչև իսկ պարասրահ ու ամառականոց, ինչպես Աֆիոն Գարահիսարի եկեղեցին»:¹ Ավերելով հայկական մշակութային հուշարձանները և անգամ նրանց խղճուկ մնացողները, հրապարակավ պատճառաբանվում են, թե արդյունքը բնական աղետներն են, որ կարծես ընտրողարար է մոտենում, կործանելով միայն հայկական կառույցները: Օրինակները բազմաթիվ են. ճարտարապետության անկրկնելի գոհարներից մեկի՝ Խժկոնքի վանքային համալիրից (IX-X դդ., Կարսի նահանգ) կանգուն է միայն ս. Մարգիս եկեղեցին, Ծպնիի եկեղեցին (VII դ., Կարսի նահանգ) վերածվել է մզկիթի, Կարսի ս. Առաքելոց եկեղեցու (X-XI դդ.) գմբեթին խաչի տեղ կտեսնենք քուրքական կիսալուսինը:

Ողբալի է ճարտարապետական անկրկնելի մարգարիտի՝ Աղթամարի ս. Խաչ եկեղեցու (915-921թթ.) վիճակը:

Հարկ է նշել, որ բազմիցս հարց է բարձրացվել Թուրքիայի տարածքում եղած պատմա-ճարտարապետական հուշարձանների վերականգնման անհրաժեշտության մասին, որը մեր կարծիքով պետք է դառնա ՀՀ արտաքին քաղաքականության պահանջատիրական կարևոր հարցերից մեկը:

Վերոհիշյալ փաստերը Եղեռնի տարիներին հայ մշակույթի կրած կորստի մի չնչին մասն է: Այդ փաստերը վկայում են, որ հայկական մշակութային արժեքների գեոցիդը, հազարամյակների ընթացքում ստեղծված և համաշխարհային մշակույթի ոսկե ֆոնդն անցած մշակույթի անվերադարձ կորուստը Հայոց ցեղասպանության քաղկացուցիչ մասն է:

ԾԱՆՈԹԱԳՐՈՒԹՅՈՒՆՆԵՐ

¹ Հայերի ցեղասպանությունը Օսմանյան կայսրությունում: Փաստաթղթերի և նյութերի ժողովածու, Եր., 1991, էջ 562:

² Օրմանյան Մ. արք. Ազգապատում, Կ. Գ., Երուսաղեմ, 1927, էջ 5029-5030:

³ «Արարատ» (ամսագիր «սր. էջմիածին»), 1896, դեկտեմբեր, էջ 585:

⁴ Նույն տեղում:

⁵ «Դրոշակ», օրգան Հ. Յ. Դաշնակցության, Վիեննա, 1896, թիւ 10, ապրիլ, էջ 77:

⁶ Նույն տեղում, թիւ 13, մայիս, էջ 100:

⁷ Նույն տեղում, թիւ 2, յունուար, էջ 15:

⁸ Նույն տեղում, թիւ 4, փետրվար, էջ 29:

⁹ Նույն տեղում, թիւ 16, յունիս, էջ 123-124:

¹⁰ Նույն տեղում, թիւ 11, ապրիլ, էջ 86:

¹¹ Օրմանյան Մ. արք. Հայոց եկեղեցին, Թիֆլիս, 1913, էջ 259-269:

¹² Գեորգ Մեսրոպ. Թուրքիոյ հայոց կորուստները 1915-1922, «Հայաստանի Կոչմակ» շաբաթաթերթ, Պոստոլն, 1931, թիւ 25, էջ 776-779:

¹³ Ղազարեան Հ. Գ. Ցեղասպան քուրքը, Պէյրոս, 1968, էջ 220:

¹⁴ Ընդարձակ Օրացոյց սր. Փրկիչ Հիւանդանոցի Հայոց, Կ. Պոլիս, 1904, էջ 349-385:

- ¹⁵ Յուշամատեան Մեծ Եղեռնի, խմբագր. Անարոմեան Գ., Պէրոս, 1965, էջ 1020-1028:
- ¹⁶ Տե՛ս Գ. Մեսրոպ, նշվ. աշխ., էջ 777:
- ¹⁷ Տե՛ս Ղազարեան Հ. Գ. նշվ. աշխ., էջ 210:
- ¹⁸ Մաֆրաստյան Ա. Խ. Կոստանդնուպոլսի Հայոց պատրիարքարանի կողմից Թուրքիայի Արդարադատության և դավանանքների մինիստրության ներկայացված եկեղեցիների և վանքերի ցուցակներն ու թարրիքները (1912-1913), «Էջմիածին», Ա (հունվար), 1965, էջ 42:
- ¹⁹ «Անի» պարբերական, թիվ 2, 1992, էջ 18 (Հայաստանի մեկ այլ ողբերգությունը):
- ²⁰ «Հայրենիք» օրաթերթ, Պոստերն, 1980, 14 նոյեմբերի:
- ²¹ Տե՛ս Գ. Մեսրոպ, նշվ. աշխ., էջ 809:
- ²² Տե՛ս Ղազարեան Հ. Գ. նշվ. աշխ., էջ 227-235:
- ²³ Նույն տեղում, էջ 236-237:
- ²⁴ Զոհանջյան Ս. Հայկական կոտորածները և մեր ձեռագրական կորուստները, «Էջմիածին» ամսագիր, 1966, թիվ Ը, էջ 28; թիվ Ե-Է, էջ 143:
- ²⁵ «Անի» պարբերական, թիվ 1, 1992, էջ 9-10 (Մնացականյան Ստ. Նիկողայոս Մառ):
- ²⁶ «Անի» պարբերական, թիվ 2, 1992, էջ 3 (Ակադեմիկոս Ն. Յա. Մառի զեկուցագրերը Թուրքահայաստանի ձեռագրերի ու հնությունների զրանցման մասին):
- ²⁷ Նույն տեղում:
- ²⁸ Նույն տեղում:
- ²⁹ Նույն տեղում, էջ 4:
- ³⁰ Նույն տեղում, էջ 6:
- ³¹ Хулавердян К., Саакян Р. Геноцид армян сквозь призму десятилетий, Ер., 1995, стр. 37-38.
- ³² Տե՛ս Զոհանջյան Ս. նշվ. աշխ., թիվ Թ-Ժ, էջ 93:
- ³³ Baghdjian Kévork. La confiscation par le gouvernement turc, des biens arméniens..., Montréal, Québec, Canada, 1987, p. 56.
- ³⁴ Տե՛ս Տաճատ Հ. վրդ. Երաբարմեան. Հայաստանի վանքերուն եւ եկեղեցիներուն մշակութային կորուստը 1894-1896 եւ 1915-25 տարիներուն, Վեներիկ, 1995, էջ 30-31:

Резюме

Геноцид армянских культурных ценностей
на территории Османской империи.

Меря Кешишян

Национальное своеобразие лютого народа выражается в его культуре. Каждый, раскрывающий прошлое архитектурный памятник – это говорящий свидетель армянской истории.

Уничтожение армянских историко-архитектурных памятников и других культурных ценностей в Западной Армении является составной частью Геноцида армян.

Поэтому так необходим учет уничтоженных армянских историко-архитектурных памятников 90-х годов XIX и XX веков (монастыри, церкви, часовни, святые места, кладвища, хачкары, рукописи и т.д.), который мы продолжаем по мере свора новой информации о них.

Summary

The Destruction of Armenia Cultural Heritage on the Territory of Ottoman Turkey.

Mary Keshishyan

Each nation is expressing its national selfness in its culture. Every historical monument even ruined is the stable witness to the Armenian history.

The destruction of Armenian historical-architectural monuments and other cultural values (churches, gravetombs, memorials, castles etc.) situated on the territory of Western Armenia was component part of policy of Armenian Genocide. That is why it is important to register destructed Armenian monuments, systematize the existing information and find new information about their current condition.